

საქართველოს მთავრობის

დადგენილება №244

2013 წლის 19 სექტემბერი

ქ. თბილისი

პროფესიული განათლების დაფინანსების წესისა და პირობების განსაზღვრისა და პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობის დამტკიცების თაობაზე

„პროფესიული განათლების შესახებ“ საქართველოს კანონის მე-14 მუხლის „დ“ ქვეპუნქტისა და საქართველოს ზოგადი ადმინისტრაციული კოდექსის 61-ე მუხლის პირველი და მე-3 ნაწილების შესაბამისად

მუხლი 1

პროფესიული განათლების დაფინანსების წესი და პირობები განისაზღვროს ამ დადგენილების დანართი №1-ის შესაბამისად.

მუხლი 2

პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობა დამტკიცდეს ამ დადგენილების დანართი N2-ის შესაბამისად.

მუხლი 3

ძალადაკარგულად გამოცხადდეს „პროფესიულ საგანმანათლებლო დაწესებულებებში პრიორიტეტული პროფესიული საგანმანათლებლო პროგრამების პირველ სამ საფეხურზე ჩარიცხული პროფესიული სტუდენტებისა და საჯარო სამართლის იურიდიული პირების – პროფესიული საგანმანათლებლო დაწესებულებების მიზნობრივი პროგრამული დაფინანსების წესის განსაზღვრის შესახებ“ საქართველოს მთავრობის 2012 წლის 15 მარტის №96 დადგენილება.

მუხლი 4

დადგენილება ამოქმედდეს გამოქვეყნებისთანავე.

პრემიერ-მინისტრი

ბიძინა ივანიშვილი

დანართი №1

**პროფესიული განათლების დაფინანსების წესი და პირობები
თავი I. ზოგადი დებულებანი**

მუხლი 1. რეგულირების სფერო

პროფესიული განათლების დაფინანსების წესი და პირობები (შემდგომში – წესი) განსაზღვრავს პროფესიული განათლების დაფინანსების (შემდგომში – დაფინანსების) წესსა და პირობებს.

მუხლი 2. დაფინანსების გაცემაზე უფლებამოსილი ორგანოები

1. ამ წესის შესაბამისად, დაფინანსებაზე უფლებამოსილია საქართველოს განათლებისა და მეცნიერების სამინისტრო (შემდგომში – სამინისტრო).

2. დაფინანსებას სახელმწიფო ხელისუფლების ორგანოები (გარდა სამინისტროსი), აფხაზეთისა და აჭარის ავტონომიური რესპუბლიკების შესაბამისი ორგანოები და ადგილობრივი თვითმმართველობის ორგანოები ახორციელებენ მათ მიერ დადგენილი წესისა და ოდენობის შესაბამისად.

მუხლი 3. დაფინანსების გაცემის მიზანი

სამინისტროს მიერ დაფინანსების გაცემის მიზანია:



ა) პროფესიული განათლების განვითარების ხელშეწყობა;

ბ) პროფესიული საგანმანათლებლო დაწესებულებების პოტენციალის შენარჩუნება და საგანმანათლებლო საქმიანობის მიმართულებათა გაფართოება;

გ) პროფესიული განათლების ხელმისაწვდომობის ზრდა და ხარისხის გაუმჯობესება;

დ) პროფესიული სტუდენტების ისეთი პროფესიული საქმიანობისთვის მომზადება, რომელიც მოითხოვს პრაქტიკული ცოდნისა და უნარების გამოყენებას;

ე) ქვეყანაში მოსახლეობის ეკონომიკური აქტიურობისა და დასაქმების (მაჩვენებლის) ზრდა.

მუხლი 4. დაფინანსების სახეები

დაფინანსების სახეებია:

ა) ვაუჩერული დაფინანსება;

ბ) პროგრამული დაფინანსება.

თავი II. ვაუჩერული დაფინანსება

მუხლი 5. ვაუჩერული დაფინანსების მიღებაზე უფლებამოსილი დაწესებულებები

ვაუჩერული დაფინანსების მიღებაზე უფლებამოსილნი არიან შემდეგი დაწესებულებები:

ა) სამინისტროს მიერ/მონაწილეობით დაფუძნებული:

ა.ა) პროფესიული საგანმანათლებლო დაწესებულებები;

ა.ბ) პროფესიული საგანმანათლებლო პროგრამების განმახორციელებელი დაწესებულებები;

ბ) საქართველოს მთავრობის მიერ სამინისტროს წარდგინებით დაფუძნებული პროფესიული საგანმანათლებლო პროგრამების განმახორციელებელი უმაღლესი საგანმანათლებლო დაწესებულებები.

მუხლი 6. ვაუჩერული დაფინანსების გაცემის მიზანი

ამ წესის მე-5 მუხლით გათვალისწინებულ დაწესებულებებს ვაუჩერული დაფინანსება მიეცემა სასწავლო პროცესის წარმართვისათვის აუცილებელი ხარჯებისათვის, მათ შორის პროფესიული განათლების მასწავლებლის შრომის ასანაზღაურებლად.

მუხლი 7. ვაუჩერული დაფინანსების გაცემის საფუძველი

1. ვაუჩერული დაფინანსება გაიცემა:

ა) საჯარო სამართლის იურიდიული პირის – შეფასებისა და გამოცდების ეროვნული ცენტრის (შემდგომში – შეფასებისა და გამოცდების ეროვნული ცენტრი) მიერ ორგანიზებული პროფესიული ტესტირების საფუძველზე, კანონმდებლობით დადგენილი წესით, ამ წესის მე-5 მუხლით გათვალისწინებულ დაწესებულებებში, პროფესიული საგანმანათლებლო პროგრამის პირველად საფეხურზე ჩარიცხული საქართველოს მოქალაქე ან რეზიდენტი პროფესიული სტუდენტის სწავლის დასაფინანსებლად;

ბ) ამ წესის მე-5 მუხლით გათვალისწინებულ დაწესებულებებში, პროფესიული საგანმანათლებლო პროგრამის შემდგომ საფეხურზე კანონმდებლობით დადგენილი წესით ჩარიცხული საქართველოს მოქალაქე ან რეზიდენტი იმ პროფესიული სტუდენტის სწავლის დასაფინანსებლად, რომელმაც პროფესიული საგანმანათლებლო პროგრამის პირველად საფეხურზე სწავლის უფლება მოიპოვა შეფასებისა და გამოცდების ეროვნული ცენტრის მიერ ორგანიზებული პროფესიული ტესტირების საფუძველზე;

გ) სპეციალური საგანმანათლებლო საჭიროების მქონე იმ პროფესიული სტუდენტის სწავლის დასაფინანსებლად, რომელიც პროფესიული ტესტირების საფუძველზე, კანონმდებლობით დადგენილი



წესით ჩაირიცხა ამ წესის მე-5 მუხლით გათვალისწინებულ დაწესებულებაში პროფესიული საგანმანათლებლო პროგრამის შესაბამის საფეხურზე;

დ) იმ პროფესიული სტუდენტის სწავლის დასაფინანსებლად, რომელიც ფინანსდებოდა „პროფესიულ საგანმანათლებლო დაწესებულებებში პრიორიტეტული პროფესიული საგანმანათლებლო პროგრამების პირველ სამ საფეხურზე ჩარიცხული პროფესიული სტუდენტებისა და საჯარო სამართლის იურიდიული პირების – პროფესიული საგანმანათლებლო დაწესებულებების მიზნობრივი პროგრამული დაფინანსების წესის განსაზღვრის შესახებ“ საქართველოს მთავრობის 2012 წლის 15 მარტის №96 დადგენილების მიხედვით და პროფესიული საგანმანათლებლო პროგრამის შემდგომ საფეხურზე ჩაირიცხება მოქმედი კანონმდებლობით დადგენილი წესით;

ე) იმ პროფესიული სტუდენტის სწავლის დასაფინანსებლად, რომელიც ფინანსდებოდა „2012-2013 სასწავლო წლისათვის ერთიანი ეროვნული გამოცდების შედეგების საფუძველზე IV-V საფეხურების პროფესიულ საგანმანათლებლო პროგრამებზე სწავლის საფასურის, ჩარიცხული პროფესიული სტუდენტების სახელმწიფო დაფინანსების და სოციალური პროგრამის ფარგლებში სახელმწიფო სასწავლო გრანტით დაფინანსების ოდენობისა და წესის განსაზღვრის შესახებ“ საქართველოს მთავრობის 2012 წლის 19 სექტემბრის №400 დადგენილების მიხედვით და პროფესიული საგანმანათლებლო პროგრამის შემდგომ საფეხურზე ჩაირიცხება მოქმედი კანონმდებლობით დადგენილი წესით.

2. ვაუჩერული დაფინანსების ფარგლებში გაცემული დაფინანსება უზრუნველყოფს ამ მუხლის პირველი პუნქტით გათვალისწინებული პროფესიული სტუდენტის სწავლის დაფინანსებას „ეროვნული საკვალიფიკაციო ჩარჩოს დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №120/ნ ბრძანებით გათვალისწინებული ერთი პროფესიული სპეციალიზაციის შესაბამის საფეხურზე/საფეხურებზე.

3. ვაუჩერული დაფინანსების გაცემის მიზნით, შეფასებისა და გამოცდების ეროვნული ცენტრის დირექტორი ინდივიდუალური ადმინისტრაციულ-სამართლებრივი აქტით, შეფასებისა და გამოცდების ეროვნული ცენტრის მიერ ორგანიზებული პროფესიული ტესტირების ჩატარებამდე 7 დღით ადრე ადგენს პროფესიული ტესტირების მინიმალური კომპეტენციის ზღვარს.

4. ამ წესის მე-5 მუხლით გათვალისწინებული დაწესებულება, ვაუჩერულ დაფინანსებას მოიპოვებს ამ მუხლის პირველი პუნქტის „ა“ ქვეპუნქტით გათვალისწინებული მხოლოდ იმ პროფესიული სტუდენტებისათვის, რომლებმაც შეფასებისა და გამოცდების ეროვნული ცენტრის მიერ ორგანიზებულ პროფესიულ ტესტირებაში გადააღახეს ამ მუხლის მე-3 პუნქტით გათვალისწინებულ მინიმალური კომპეტენციის ზღვარი.

მუხლი 8. ვაუჩერის მაქსიმალური ოდენობა

1. ერთ პროფესიულ სტუდენტზე გათვლილი ვაუჩერის მაქსიმალური ოდენობა პროფესიული საგანმანათლებლო პროგრამის I-V საფეხურებზე:

ა) ჩარიცხული 5 პროფესიული სტუდენტის შემთხვევაში გამოიანგარიშება ამ დადგენილების დანართი №2-ით შესაბამისი პროფესიული საგანმანათლებლო პროგრამისა და საფეხურისათვის განსაზღვრული სწავლის საფასურის მაქსიმალური ოდენობის 1,6 კოეფიციენტზე გადამრავლებით;

ბ) ჩარიცხული 6 პროფესიული სტუდენტის შემთხვევაში გამოიანგარიშება ამ დადგენილების დანართი №2-ით შესაბამისი პროფესიული საგანმანათლებლო პროგრამისა და საფეხურისათვის განსაზღვრული სწავლის საფასურის მაქსიმალური ოდენობის 1,5 კოეფიციენტზე გადამრავლებით;

გ) ჩარიცხული 7 პროფესიული სტუდენტის შემთხვევაში გამოიანგარიშება ამ დადგენილების დანართი №2-ით შესაბამისი პროფესიული საგანმანათლებლო პროგრამისა და საფეხურისათვის განსაზღვრული სწავლის საფასურის მაქსიმალური ოდენობის 1,4 კოეფიციენტზე გადამრავლებით;

დ) ჩარიცხული 8 პროფესიული სტუდენტის შემთხვევაში გამოიანგარიშება ამ დადგენილების დანართი №2-ით შესაბამისი პროფესიული საგანმანათლებლო პროგრამისა და საფეხურისათვის განსაზღვრული სწავლის საფასურის მაქსიმალური ოდენობის 1,3 კოეფიციენტზე გადამრავლებით;

ე) ჩარიცხული 9 პროფესიული სტუდენტის შემთხვევაში გამოიანგარიშება ამ დადგენილების დანართი № 2-ით შესაბამისი პროფესიული საგანმანათლებლო პროგრამისა და საფეხურისათვის განსაზღვრული სწავლის საფასურის მაქსიმალური ოდენობის 1,2 კოეფიციენტზე გადამრავლებით;



დაწესებულების მიერ განსაზღვრული სწავლის საფასურის 1,1 კოეფიციენტზე გადამრავლებით მიღებული თანხის ოდენობის (მაგრამ არაუმეტეს ამ წესის მე-8 მუხლის პირველი პუნქტის „ვ“ ქვეპუნქტით გათვალისწინებული ოდენობისა) 10-ზე გადამრავლებით მიღებული ოდენობის თანხა;

ზ) 10 პროფესიულ სტუდენტზე მეტი სტუდენტის ჩარიცხვის შემთხვევაში ამ წესის მე-5 მუხლით გათვალისწინებული დაწესებულების მიერ განსაზღვრული სწავლის საფასურის (მაგრამ არაუმეტეს ამ წესის მე-8 მუხლის პირველი პუნქტის „ზ“ ქვეპუნქტით გათვალისწინებული ოდენობისა) ჩარიცხული პროფესიული სტუდენტების შესაბამის რაოდენობაზე გადამრავლებით მიღებული ოდენობის თანხა.

2. ვაუჩერული დაფინანსების ფარგლებში, ამ წესის მე-5 მუხლით გათვალისწინებულ დაწესებულებაზე, პროფესიული საგანმანათლებლო პროგრამის I-V საფეხურებიდან პროფესიული სტუდენტის მობილობის განხორციელების, პროფესიული სტუდენტის სტატუსის შეჩერების/შეწყვეტის შედეგად:

ა) 4 პროფესიული სტუდენტის დარჩენის შემთხვევაში, გაიცემა ამ წესის მე-5 მუხლით გათვალისწინებული დაწესებულების მიერ განსაზღვრული სწავლის საფასურის 1,7 კოეფიციენტზე გადამრავლებით მიღებული თანხის ოდენობის (მაგრამ არაუმეტეს ამ წესის მე-8 მუხლის მე-2 პუნქტის „ა“ ქვეპუნქტით გათვალისწინებული ოდენობისა) 4-ზე გადამრავლებით მიღებული ოდენობის თანხა;

ბ) 3 პროფესიული სტუდენტის დარჩენის შემთხვევაში, გაიცემა ამ წესის მე-5 მუხლით გათვალისწინებული დაწესებულების მიერ განსაზღვრული სწავლის საფასურის 1,8 კოეფიციენტზე გადამრავლებით მიღებული თანხის ოდენობის (მაგრამ არაუმეტეს ამ წესის მე-8 მუხლის მე-2 პუნქტის „ბ“ ქვეპუნქტით გათვალისწინებული ოდენობისა) 3-ზე გადამრავლებით მიღებული ოდენობის თანხა;

გ) 2 პროფესიული სტუდენტის დარჩენის შემთხვევაში, გაიცემა ამ წესის მე-5 მუხლით გათვალისწინებული დაწესებულების მიერ განსაზღვრული სწავლის საფასურის 1,9 კოეფიციენტზე გადამრავლებით მიღებული თანხის ოდენობის (მაგრამ არაუმეტეს ამ წესის მე-8 მუხლის მე-2 პუნქტის „გ“ ქვეპუნქტით გათვალისწინებული ოდენობისა) 2-ზე გადამრავლებით მიღებული ოდენობის თანხა;

დ) 1 პროფესიული სტუდენტის დარჩენის შემთხვევაში, გაიცემა ამ წესის მე-5 მუხლით გათვალისწინებული დაწესებულების მიერ განსაზღვრული სწავლის საფასურის 2,0 კოეფიციენტზე გადამრავლებით მიღებული თანხის ოდენობის (მაგრამ არაუმეტეს ამ წესის მე-8 მუხლის მე-2 პუნქტის „დ“ ქვეპუნქტით გათვალისწინებული ოდენობისა) თანხა.

მუხლი 10. ვაუჩერული დაფინანსების გაცემის შეზღუდვა

დაუშვებელია ერთი და იმავე პირის „ეროვნული საკვალიფიკაციო ჩარჩოს დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №120/ნ ბრძანებით გათვალისწინებულ ერთზე მეტ, ასევე ერთი და იმავე პროფესიულ სპეციალიზაციაზე სწავლისათვის ვაუჩერული დაფინანსების მიცემა დაწესებულებისათვის.

მუხლი 11. ვაუჩერული დაფინანსების მინიჭების შესახებ დოკუმენტის დამტკიცება

1. კანონმდებლობით დადგენილი წესით პროფესიული სტუდენტების ჩარიცხვიდან 14 დღის ვადაში ამ წესის მე-5 მუხლით გათვალისწინებული დაწესებულება ვაუჩერული დაფინანსების მინიჭების მიზნით, საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტით განსაზღვრული ფორმის შესაბამისად, სამინისტროში წარადგენს ინფორმაციას იმ პროფესიული სტუდენტების შესახებ, რომელთა რაოდენობის გათვალისწინებითაც, აქვს უფლება მიიღოს ვაუჩერული დაფინანსება ამ წესის მიხედვით.

2. სამინისტროს პროფესიული განათლების განვითარების დეპარტამენტი 5 დღის ვადაში ამ მუხლის პირველი პუნქტით გათვალისწინებულ ინფორმაციას აგზავნის სსიპ - განათლების ხარისხის განვითარების ეროვნულ ცენტრში, საგანმანათლებლო დაწესებულების რეესტრში გადამოწმების მიზნით.

3. სსიპ - განათლების ხარისხის განვითარების ეროვნული ცენტრი 10 დღის ვადაში ამოწმებს ამ მუხლის პირველი პუნქტით გათვალისწინებული ინფორმაციის სისწორეს საგანმანათლებლო დაწესებულებების რეესტრში და 3 დღის ვადაში აწვდის ინფორმაციას სამინისტროს.

4. სამინისტროს პროფესიული განათლების განვითარების დეპარტამენტი სამინისტროს ეკონომიკურ დეპარტამენტთან ერთად შეიმუშავებს ამ წესის მე-5 მუხლით გათვალისწინებული დაწესებულებებისათვის ვაუჩერული დაფინანსების მინიჭების დოკუმენტს, რაც მტკიცდება საქართველოს განათლებისა და



მეცნიერების მინისტრის ინდივიდუალური ადმინისტრაციულ-სამართლებრივი აქტით.

5. დამტკიცების შემდეგ, ამ მუხლის მე-4 პუნქტით გათვალისწინებული დოკუმენტი 1 დღის ვადაში იგზავნება სსიპ – განათლების ხარისხის განვითარების ეროვნულ ცენტრში საგანმანათლებლო დაწესებულებების რეესტრში ასახვის მიზნით და ამ წესის მე-5 მუხლით გათვალისწინებულ დაწესებულებებში.

მუხლი 12. ვაუჩერული დაფინანსების გადარიცხვის წესი

1. საგანმანათლებლო დაწესებულებების რეესტრის მონაცემებზე დაყრდნობით, საქართველოს განათლებისა და მეცნიერების მინისტრის ინდივიდუალურ ადმინისტრაციულ-სამართლებრივი აქტით განსაზღვრული ფორმის შესაბამისად, ვაუჩერული დაფინანსების ამ წესის მე-5 მუხლით გათვალისწინებული დაწესებულებებისათვის გადარიცხვისათვის აუცილებელ ინფორმაციას სსიპ - განათლების ხარისხის განვითარების ეროვნული ცენტრი სამინისტროში წარადგენს:

ა) ამ წესის მე-11 მუხლის მე-4 პუნქტით გათვალისწინებული ინდივიდუალური ადმინისტრაციულ – სამართლებრივი აქტის სამინისტროსგან მიღებიდან 10 დღის ვადაში, ვაუჩერული დაფინანსების ფარგლებში სამინისტროს მიერ თანხის პირველადი გადარიცხვის მიზნით;

ბ) კვარტალურად, ვაუჩერული დაფინანსების ფარგლებში თანხის კვარტალურად გადარიცხვის მიზნით.

2. ამ წესის მე-5 მუხლით გათვალისწინებული დაწესებულებებისათვის ვაუჩერული დაფინანსების ფარგლებში თანხის გადარიცხვის მიზნით, საქართველოს განათლებისა და მეცნიერების მინისტრი გამოსცემს ინდივიდუალურ ადმინისტრაციულ-სამართლებრივ აქტს.

3. ვაუჩერული დაფინანსების ფარგლებში თანხის გადარიცხვას სამინისტრო ახორციელებს შესაბამისი დაწესებულების საბანკო ანგარიშზე თანხის ჩარიცხვის გზით, შესაბამისი კვარტალის დასაწყისისათვის საგანმანათლებლო დაწესებულებების რეესტრის მონაცემებში პროფესიული სტუდენტის აქტიური სტატუსის მქონე პროფესიული სტუდენტების რაოდენობის გათვალისწინებით.

4. ვაუჩერული დაფინანსების ფარგლებში პირველად და კვარტალურად გადასარიცხი თანხის გამომწერიანების წესი განისაზღვრება საქართველოს განათლებისა და მეცნიერების მინისტრის ინდივიდუალური ადმინისტრაციულ-სამართლებრივი აქტით.

5. ამ წესის მე-5 მუხლით გათვალისწინებული დაწესებულების მიერ საგანმანათლებლო დაწესებულების რეესტრში პროფესიული სტუდენტის შესახებ ინფორმაციის შეუტანლობა კანონმდებლობით დადგენილ ვადაში არის ამ დაწესებულებისათვის ვაუჩერული დაფინანსების გაცემაზე უარის თქმის საფუძველი.

6. ამ მუხლის მე-5 პუნქტით გათვალისწინებულ შემთხვევაში, ამ წესის მე-5 მუხლით გათვალისწინებული დაწესებულება არ არის უფლებამოსილი მოსთხოვოს პროფესიულ სტუდენტს გადაურიცხავი ვაუჩერული დაფინანსების შესაბამისი თანხის ან/და მისგან გამომდინარე სხვა გადასახდელის (პროცენტი, ჯარიმა და ა.შ) გადახდა.

მუხლი 13. ვაუჩერული დაფინანსების გადატანა

1. პროფესიული სტუდენტის, ამ წესის მე-5 მუხლით გათვალისწინებული ერთი დაწესებულებიდან ამ წესის მე-5 მუხლით გათვალისწინებულ სხვა დაწესებულებაში გადასვლის შემთხვევაში (ამ წესის მიზნებისათვის შემდგომში – მობილობა), მიმღებ დაწესებულებას ვაუჩერული დაფინანსება მიეცემა, მხოლოდ პროფესიული სტუდენტის მიერ „ეროვნული საკვალიფიკაციო ჩარჩოს დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №120/ნ ბრძანებით გათვალისწინებულ იმ პროფესიულ სპეციალიზაციაზე სწავლის გაგრძელების შემთხვევაში, რომელზეც სწავლობდა იგი მობილობის განხორციელებამდე.

2. მობილობის განმახორციელებელი პროფესიული სტუდენტის რაოდენობის გათვალისწინებით, მიმღები ამ წესის მე-5 მუხლით გათვალისწინებული დაწესებულება ვაუჩერულ დაფინანსებას მიიღებს პროფესიული სტუდენტის მობილობის განხორციელების მომდევნო კვარტალიდან.

3. პროფესიული სტუდენტის მიერ მობილობის განხორციელების შემთხვევაში, მიმღებ ამ წესის მე-5 მუხლით გათვალისწინებულ დაწესებულებას, ვაუჩერული დაფინანსების ფარგლებში, ამ პროფესიული სტუდენტის რაოდენობის გათვალისწინებით, დაფინანსება მიეცემა მის მიერ განსაზღვრული სწავლის საფასურის



შესაბამისად, ამ დადგენილების დანართი №2-ით პროფესიული საგანმანათლებლო პროგრამის შესაბამისი საფეხურისათვის განკუთვნილი სწავლის საფასურის მაქსიმალური ღირებულებიდან დარჩენილი გაუხარჯავი ოდენობით.

მუხლი 14. ვაუჩერული დაფინანსების შენარჩუნება/შეწყვეტა

1. პროფესიული სტუდენტის მიერ მობილობით სარგებლობის, ასევე, პროფესიული სტუდენტის სტატუსის შეწყვეტის შემთხვევაში, ამ წესის მე-5 მუხლით გათვალისწინებულ იმ დაწესებულებას, რომლიდანაც გადადის პროფესიული სტუდენტი, ვაუჩერული დაფინანსება ამ პროფესიული სტუდენტის რაოდენობის გათვალისწინებით უნარჩუნდება მომდევნო კვარტალის დაწყებამდე.

2. პროფესიული სტუდენტის მიერ პროფესიული სტუდენტის სტატუსის შეჩერების შემთხვევაში, ვაუჩერული დაფინანსება ამ წესის მე-5 მუხლით გათვალისწინებულ დაწესებულებას შეუჩერდება მომდევნო კვარტალის დაწყებიდან ამ პროფესიული სტუდენტის მიერ პროფესიული სტუდენტის სტატუსის აღდგენამდე, არაუმეტეს 2 წლის განმავლობაში.

3. ამ მუხლის მე-2 პუნქტით გათვალისწინებულ პერიოდში, პროფესიული სტუდენტის მიერ, პროფესიული სტუდენტის სტატუსის აღდგენის გარეშე, პროფესიული სტუდენტის სტატუსის შეწყვეტა იწვევს ამ წესის მე-2 მუხლის თანახმად შეჩერებული ვაუჩერული დაფინანსების შეწყვეტას.

4. ამ წესის მე-5 მუხლით გათვალისწინებული დაწესებულების მიერ ავტორიზაციის დაკარგვის/ვადის გასვლის შემთხვევაში დაწესებულებას შეუწყდება ვაუჩერული დაფინანსების მიცემა.

თავი III. პროგრამული დაფინანსება

მუხლი 15. პროგრამული დაფინანსების მიღებაზე უფლებამოსილი დაწესებულებები

პროგრამული დაფინანსების მიღებაზე უფლებამოსილნი არიან სამინისტროს მიერ დაფუძნებული:

- ა) პროფესიული საგანმანათლებლო დაწესებულებები;
- ბ) პროფესიული საგანმანათლებლო პროგრამების განმახორციელებელი დაწესებულებები.

მუხლი 16. პროგრამული დაფინანსების გაცემის მიზნები და საფუძველი

1. პროგრამული დაფინანსება გაიცემა კვარტალურად, ამ წესის მე-15 მუხლით გათვალისწინებულ დაწესებულებებზე, შემდეგი მიზნებისათვის:

- ა) საშტატო განრიგით გათვალისწინებული პერსონალისა და სახელმწიფო დაფინანსების ფარგლებში დასასაქმებელი შტატგარეშე მოსამსახურეების შრომის ანაზღაურებისათვის;
- ბ) ფუნქციონირებისათვის საჭირო ხარჯებისათვის;
- გ) სხვა მიმდინარე ხარჯებისათვის.

2. პროგრამული დაფინანსების გაცემის საფუძველს წარმოადგენს ამ წესის მე-15 მუხლით გათვალისწინებული დაწესებულების მიერ კვარტალის დასრულებამდე არანაკლებ 15 დღით ადრე, სამინისტროში წარდგენილი დასაბუთებული მიმართვა (თანდართული ხარჯთაღრიცხვით).

მუხლი 17. პროგრამული დაფინანსების გაცემის წესი

1. პროგრამული დაფინანსების გაცემის მიზნით, ამ წესის მე-16 მუხლის მე-2 პუნქტით გათვალისწინებულ მიმართვას (თანდართულ ხარჯთაღრიცხვას), სამინისტროს პროფესიული განათლების განვითარების დეპარტამენტთან ერთად, განიხილავს სამინისტროს ეკონომიკური დეპარტამენტი.

2. ეკონომიკური დეპარტამენტი, ამ წესის მე-16 მუხლის მე-2 პუნქტით გათვალისწინებული მიმართვის (თანდართული ხარჯთაღრიცხვის) შესწავლის შემდგომ, უფლებამოსილია საქართველოს განათლებისა და მეცნიერების მინისტრს წარუდგინოს რეკომენდაცია ამ წესის მე-15 მუხლით გათვალისწინებული დაწესებულებისათვის პროგრამული დაფინანსების:



ა) მის მიერ მოთხოვნილი ოდენობით გამოყოფის თაობაზე;

ბ) მის მიერ მოთხოვნილი ოდენობისაგან განსხვავებული ოდენობით გამოყოფის თაობაზე.

3. მინისტრი, ამ მუხლის მე-2 პუნქტით გათვალისწინებული რეკომენდაციის გათვალისწინებით, ინდივიდუალურ ადმინისტრაციულ-სამართლებრივი აქტით იღებს გადაწყვეტილებას შესაბამის კვარტალში ამ წესის მე-15 მუხლით გათვალისწინებული დაწესებულებისათვის პროგრამული დაფინანსების გამოყოფის თაობაზე.

საქართველოს მთავრობის 2013 წლის
19 სექტემბრის N244 დადგენილების

დანართი N 2

პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობა

მუხლი 1. პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობა პროფესიული საგანმანათლებლო პროგრამის შესაბამის პროფესიულ სპეციალიზაციაზე I-III საფეხურებისათვის განისაზღვროს შემდეგნაირად:

№	პროფესიული საგანმანათლებლო პროგრამა/პროფესიული სპეციალიზაცია	საფეხური	სწავლის საფასურის მაქსიმალური ოდენობა
1	ზოოტექნიკოსი	I	400
2	მეხილე	II	
3	ზოოტექნიკოსი	II	
4	მეზოსტნე	II	
5	თევზგადამამუშავებელი	III	
6	თევზის მრეწავი	III	
7	ზოოტექნიკოსი	III	
8	მეზოსტნე	III	
9	მეხილე	III	
10	მპერწავი (არქიტექტურული დეტალების)	III	
11	ავტომობილის დიაგნოსტიკოსი	III	
12	საკერავი მანქანების ოპერატორი	III	
13	ბუღალტერი	III	
14	სანერგე მეურნეობის სპეციალისტი	II	
15	საკერავი მანქანების მექანიკოსი	III	
16	საკერავი მანქანების ოპერატორი	III	
17	ამწის მემანქანე	III	



18	ავტომობილის დიაგნოსტიკოსი	II
19	სანერგე მეურნეობის სპეციალისტი	III
20	კრიმინალისტი	III
21	საავტომობილო გზებისა და აეროდრომების მშენებელ-ტექნიკოსი	III
22	ტოპოგრაფი	III
23	თექის ხელოსანი	III
24	ლონისპიებათა მომწიფობი	III
25	ინფორმაციული ტექნოლოგი	III
26	მევენახე	III
27	მასაჟისტი	III
28	კომპიუტერული ინჟინერი	III
29	ავტომობილის შემკეთებელი ელექტრო-ტექნიკოსი	III
30	ოფისის მენეჯერი (მდივან-რეფერენტი)	III
31	გამყიდველ-კონსულტანტი	III
32	რძის გადამამუშავებელი	III
33	სამკერვალო ნაწარმის ხარისხის მართვის სპეციალისტი	III
34	კომპიუტერული ქსელებისა და სისტემის ტექნიკოსი	III
35	რკინაბეტონის სამუშაოთა მწარმოებელი	III
36	ინტერნეტტექნოლოგი (ვებსპეციალისტი)	III
37	ნივთიერებებისა და მასალების ქიმიური ანალიზის ლაბორანტი	III
38	კალატოზი	III
39	კომპიუტერული გრაფიკოსი	III
40	სარესტორნო საქმისმწარმოებელი	III
41	მებათქაშე	III

650



42	თაბაშირმუყაოს სპეციალისტი	III
43	ვეტერინარიული მომსახურების სპეციალისტი	III
44	მღებავი	III
45	საბაჟო წარმომადგენელი	III
46	მოლარე(ბანკის და ა.შ)	III
47	ზეინკალ -სანტექნიკოსი	III
48	საბაჟო დეკლარირების სპეციალისტი	III
49	ტრაქტორისტ-მემანქანე	III
50	მცენარეების დამამზადებელი(სამკურნალო, არომატული)	III
51	მეტყევე	III
52	მეთუნუქე-მღებავი	III
53	სტილისტი(ქალი, მამაკაცი)	III
54	ელექტრიკოსი	III
55	იუველირი	III
56	მიმღები- რეცეფციონისტი	III
57	მძიმე სამშენებლო ტექნიკის ოპერატორი	III
58	მელიორატორი	III
59	მცენარეთა დაცვის ტექნიკოსი	III
60	ვენტილაციისა და კონდიციონერების სისტემის მემონტაჟე	III
61	ელექტროამძრავისა და ელექტრომომმარაგებელი დანადგარების ოსტატი	III
62	მემცენარე	III
63	სამანქანე განყოფილების რიგითი მეზღვაური	III
64	სამაცივრო მოწყობილობების ტექნიკოსი	III
65	ელექტრონული და ციფრული ხელსაწყოების დიაგნოსტიკოს -შემკეთებელი	III

800



66	ძრავის შემკეთებელი	III	950	
67	მეფილე – მომპირკეთებელი	III		
68	სავალი ნაწილის ტექნიკოსი	III		
69	ტუროპერატორი	III		
70	გაზმომარაგების სისტემის მემონტაჟე	III		
71	ავტომობილის ზეინკალი	III		
72	სასტუმრო საქმისმწარმოებელი	III		
73	კბილის ტექნიკოსი	III		
74	დეკორატიულ-გამოყენებითი ქსოვილების სპეციალისტი	III		
75	მეღვინე	III		
76	სამთო ტექნიკის ექსპლუატაციისა და რემონტის უსაფრთხოების სპეციალისტი	III		1150
77	გიდი	III		
78	გვირაბგამყვანი	III		
79	გარემოს დაცვის ტექნიკოსი	III		
80	ხის მხატვრული დამუშავების სპეციალისტი	III		
81	ყველის მწარმოებელი	III		
82	ელმავლის მემანქანე	III		
83	ექთნის თანაშემწე	III		
84	სამთო ელექტრომექანიკოსი	III		
85	სამთო ტექნიკოსი	III		
86	დურგალი	III		
87	სამკერვალო ნაწარმის სპეციალისტი	III		
88	ბარმენი	III		
89	კომპიუტერული გრაფიკოს-ანიმატორი	III		
90	ვებსპეციალისტი	III		
91	სასურსათო პროდუქტების ეკოლოგიური კონტროლის	III		



	სპეციალისტი		
92	შემდუღებელი (ელექტრორკალური შედუღება)	III	
93	კომპიუტერული ქსელებისა და სისტემების ადმინისტრატორი	III	
94	ხილ- ბოსტნეულის გადამმუშავებელი	III	
95	ფეხსაცმლის, ტყავის ნაწარმისა და აქსესუარების სპეციალისტი	III	
96	სომელიე	III	
97	მეფუტკრე	III	
98	მემინანქრე	III	
99	პოლიგრაფიული მრეწველობის ტექნიკოსი	III	1300
100	აგრარული ტექნიკის მექანიკოსი	III	
101	მყარი წიაღისეულის გამდიდრების ტექნოლოგიის სპეციალისტი	III	1400
102	სარკინიგზო გადამზიდავი	III	
103	სატელეკომუნიკაციო ქსელებისა და სისტემების ექსპლოატაციის ოპერატორი	III	1500
104	მზარეული	II	1700
105	მზარეული	III	1900
106	რკინიგზის ელექტრომომარავი შემადგენლობის მეურნეობის ელექტრომექანიკოსი	III	
107	მელიანდაგე	III	
108	სიგნალიზაციის, ცენტრალიზაციისა და ბლოკირების ელექტრომექანიკოსი	III	2250
109	სავაგონო მეურნეობის მექანიკოსი	III	
110	რკინიგზის ელექტრომომარაგების მეურნეობის ელექტრომექანიკოსი	III	
111	კონდიტერი	III	



მუხლი 2. პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობა პროფესიული საგანმანათლებლო პროგრამის შესაბამისი პროფესიული სპეციალიზაციის როგორც IV, ასევე V საფეხურებისათვის განისაზღვროს 2 250 (ორი ათას ორას ორმოცდაათი) ლარით.

